



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1655

§. 138. Tu videris. v. 4.

urn:nbn:de:hbz:466:1-45515

audientes justum Christi sanguinem traditum vobis malitiose, cur non dimittitis Iesum justum, innocentem, sanctum & prophetam de vobis bene meritum? & hunc sponte confessum proditorem capitum & loco innocentis Pilato traditis, si estis justitiae amantes & patroni? sed male conscient pessime consolamini pusillanimem. Et dicitis quid ad nos? Hæc cine doctrinæ Moysis & legis vestræ, ut innocentem perdatis? Væ vobis scribis & phariseis! In caput vestrum hæc iniustitia redundabit, qui confidentem culpam suam proditorem audire noluitis, nec innocentem damnum absoluere aut dimittere: Nam patet quid in Christo perdendo causæ habuistis.

Non sicego, non sic, Domine Deus meus, dicam unquam quid ad me? si audiero confidentem culpam, audiam libens semper, & secundum æquitatem judicem, malos incorrigibiles puniam, innocentes & justos defendam & promouere studeam propter te & ipsam justitiam. Hoc Christianum est, aliter agere peruersum est, Iudaicum est.

S. 138. Tu videris. v. 4.

Quasi dicerent, si male egisti, tu videris quomodo defendas apud Deum & homines, nos tecum agere non habemus, si tradidisti magistrum & Dominum tuum, solutum est tibi stipendum & premium habes in manu tua, nos à te emimus traditionem tuam; malo tuo usi sumus ad bonum nostrum; permisimus boni politici mala, ut euenerint bona. Quæsiuimus enim capere Christum magistrum tuum, ut inimicum nobis, & Reipublicæ, Legi nostræ contradicentem: si igitur aut bene aut male fecisti, tu quid ad nos tu videris. O Hypocrita! quid dicitis: Tu videris? cur & vos non videtis idem quod Christi innocentis proditionem ex iniuria & odio in ipsum, emeritis? an non estis prima causa culpæ & proditionis Iudei? non enim esset proditor nisi esset cui proditio placaret. an non in eodem sunt prædicamento peccatorum & fur & detentor, proditor & receptator? cur non videtis in conscientijs vestris iniustitiam & proditionem vestram illam magnam, qua ex rancore, iniuria & odio non solum emisisti à discipulo traditionem eius, sed & captiuasti; & condemnasti innocentem, dicitis alteri Tu videris quid feceris, etiam vos videte & considerate quid feceris? ista non est excusatio, sed obstinatio. O Principes, modo despiciatis audire testimoniom omni acceptione maiorem, nec eius testimoniū examinare vultis, ne scrupulus vobis iniiciatur ad dimitendum innocentem Christum, sed ex illo scrupulo, quem modo declinatis, fiet lapis magnus instar montis suo tempore.

IL 3

O Iesu,

O Iesu, Iesu! quantum malum est videntem videre nolle! certe magnum malum oportet esse peccatum, à quo contemplando sic & conscientia abhorret & natura. Videant ego obsecro mihi Deus semper quæ recta sunt ut ea faciam, considerem libenter misericordiam meam & peccata mea, instantia & futura, præmia & labores, actiones & finem contemplator operationum mearum & non auertam faciem meam ab illis malo affectu, sed & nisi sint pure ad tuos solius gloriam & proximi ædificationem & salutem ea castigem ipse donec emendentur, ne ea propter confundar postea, ut hic Iudas irritetur ab illis ipsis, in quorum gratiam tamenorme scelus perpetravit. quidam quæso lucrificerit?

s. 139. Et projectis argenteis in templo. v. 5.

Cum videret Iudas quod principes ludorum & seniores neque se pœnitentem audire, neque confessionem suam de Christi justitia acceptare vellent, per verba: *peccavi tradens sanguinem justum*, sed laborarent continuo, ut morti traderetur Christus, se quoque illudi a Sacerdotibus loco præmij & maioris remunerationis, vel solatij indignabundus præ confusione projecit in templo triginta argenteos, quos a summis Sacerdotibus pro Christi traditione acceperat, & hoc ex odio iniquissimi pretij. Ita enim quæ initio perperam amantur, postea cane peius & angue odiuntur & pecunia tam auidè quæsita a proditore ita demum fit ei carnificina. Videant qui aliena vel auare detinent, vel non restituunt, ne etiam ipsis olim in agone fiat carnificina mentitus est sapiens Proverb. 20. cum dixit: *Suavis est homini panis mendacij & postea implebitur os eius calculo.*

Domine si quando mecum non agitur prout voluero, & confundar ob peccata mea, non desperem, aut indignabundus mihi, aut aliis nocere velim, sed quidquid euenerit tibi solum acceptum feram, si malam, humiliter & sapienter suscipiam, si bonum, gratias tibi referam jugiter.

s. 140. Recepit. v. 5.

A Principibus Sacerdotum, tristis, ob repulsans, iratus sibi ipsis, iratus hominibus vietus a diabolo in star Cain fugitiuus querit extra ciuitatem in locis abditis inter dumeta & arbores solatium, ad quod ipsum adegit carnis conscientia ex una parte, ex altera dæmon sua suasione, solet enim in primo cum perpetrandum est peccatum, id extenuare, post ubi patratum est exaggerare, ut spem venia adimat, & secum in barathrum abducatur